

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
Ils 4 d'avust 2026

Jules Spinatsch. 1964 – 2155 22.08. – 15.11.2026


A partir dals 22 d'avust 2026 mussa il Museum d'art dal Grischun in'exposiziun cumplessiva dal fotograf svizzer Jules Spinatsch. «Jules Spinatsch. 1964–2155» dat per l'emprima giada en questa dimensiun ina invista da sia lavur artistica ed illustrescha sia reflexiun consequenta davart las pussaivladads ed ils cunfins da la fotografia.

Jules Spinatsch ha stgaffi ils ultims 35 onns numerusas ovras ch'èn vegnidas exponidas, collecziunadas e publitgadas en Svizra ed a l'exteriur. L'exposiziun en il Museum d'art dal Grischun mussa il vast spectrum medial da sias lavurs e da sias modas da proceder. Agens maletgs, maletgs chattads e filmads elavura ed arranscha l'artist a publicaziuns, serias da maletgs ed ad installaziuns fotograficas. Partind d'ina idea documentara – «da quai ch'è, betg quai che duai esser» – examinescha Spinatsch las pussaivladads da la fotografia: da l'observaziun d'eveniments socials cun agid da «straight photography» fin al svilup da proceduras da recepziun mez automaticas che collian apparentamain princips cuntradictorics sco la casualitad e la controlla a novas furmas da maletgs. Lieus sco il bal d'opera viennais, il WEF a Tavau, firmas da software, ovras atomaras, praschuns, pistas da skis u er pools da glitta buglients en l'Islanda daventan ses spazis da perscrutaziun.

En il Museum d'art dal Grischun realisescha l'artist ina preschentaziun che introducescha ina nova dramaturgia da spazis en il segund plaun sutterranean. Spinatsch envida – e pretenda a medem temp – da s'occupar da dumondas da la percepziun, da la pussanza e da la controlla sco er da la construcziun e da la represchentaziun tras maletgs medials. En quest connex examinescha el las auturas ed ils auturs e sondescha uschia il potenzial ed ils cunfins da la fotografia.

L'exposiziun vegn curatada da Stephan Kunz ed Damian Jurt.

Publicaziun Sper l'exposiziun publitescha il Museum d'art dal Grischun ina publicaziun che consista da dus toms. Ella cumpiglia il cudesch illustrà da format grond *pitalismus ist ill* sco er il reader *On Jules Spinatsch* cun texts da la scienza d'art ed essaistics.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Biografia Jules Spinatsch

Jules Spinatsch è in artist, editur e docent svizzer ch'è naschè l'onn 1964 e creschè si a Tavau. Suentar avair terminà il studi fotografia documentara al International Center of Photography (ICP) a New York l'onn 1994, ha el cumenzà sia lavur sco schurnalist da fotografia. Dapi l'onn 2000 sa deditgescha el a projects persunals da lunga durada che resultan en installaziuns fotograficas, videos u cudeschs.

Exposiziuns (schelta): 2025 Galerie Luciano Fasciati, Chur, *ZIMMER / ROOM 111*; 2025 Bündner Kunstmuseum Chur, *VON HIER AUS*; 2022 Kunsthaus Zürich, *TAKE CARE*; 2019 Centre de la photographie Genève, *SEMIAUTOMATIC PHOTOGRAPHY 2003–2020*; 2012 Fotomuseum Winterthur, *STATUS – 24 DOCUMENTS OF TODAY*; 2006 Museum of Modern Art, New York, *NEW PHOTOGRAPHY 2006 – JONATHAN MONK, BARBARA PROBST, JULES SPINATSCH*; 2005 Bieler Fototage, Biel, *ON THE ROAD*; 2001 Migros Museum für Gegenwartskunst, Zürich, *M-FAMILY*.

Monografias (schelta): 2021 DAVOS IS A VERB, Lars Muller Publishers, Zurich, Text by Tim Jackson; 2014 SNOW MANAGEMENT COMPLEX, JRP Ringier / Codax Publishers, Zurich, Texts by Tobia Bezzola, Walter Keller; 2005 TEMPORARY DISCOMFORT – CHAPTER I–V, Lars Muller Publishers, Zurich, Texts by Martin Jaeggi, Jamie Shea

Orientaziun a las medias

Gievgia, ils 20 d'avust 2026, a las 10.00

Museum d'art dal Grischun, Cuira

(annunzias: kathrin.gartmann@bkm.gr.ch, tel. 081 257 28 65)

Vernissascha

Venderdi, ils 21 d'avust 2026, a las 18.00

Exposiziun

22-08 – 15-11-2026

mardi fin dumengia, da las 10.00 fin las 17.00

gievgia, da las 10.00 fin las 20.00

Contact per las medias

Museum d'art dal Grischun, Cuira

Stephan Kunz

Directur artistic

tel. +41 81 257 28 61

stephan.kunz@bkm.gr.ch